

Wustawki Serbskego muzeja



STADT COTTBUS
CHÓŠEBUZ

Na zakłaže artikla 25 wustawy kraja Bramborskeje wót 20. awgusta 1992 (Bbg GVBl. žel I, b. 298 ff.) a § 3 wótstawk 1 Komunalneje wustawy kraja Bramborska wót 5. měrca 2024 (GVBl. I/24, [cysło 10], b., pópsawjone [cysło 38]) ako teke § 1 wótstawk 3 saže 1 a 2 a § 7 wótstawk 2 kazni k ředowanju pšawow Serbow w kraju Bramborska (Serbska kazń - SWG) wót 7. julija 1994 (Bbg GVBl. I/94, [cysło 21], b. 294) w danej płašecej wersiji jo zgromažina měšćańskich wótpóstańcow města Cottbus/Chóšebuz wobzamknuła dnja 24.09.2025 slědujuce wustawki za Serbski muzej.

§ 1 Pšawniska forma

1. Serbski muzej jo pšawniski njezamóžna zjawna institucija města Cottbus/Chóšebuz a jo žel Měšćańskich zběrkow Cottbus/Chóšebuz. Wón jo fachowemu wobłukowu kultura pširědowany.
2. Woglěd do Serbskego muzeja wótmějo se na priwatnopšawniskem zakłaže.
3. Serbski muzej ma swójo sedło na Młyńskej droze 12, 03046 Cottbus/Chóšebuz.

§ 2 Wótwórjeńske case

Serbski muzej ma póstajone wótwórjeńske case. Wótwórjeńske case se z wupowjeskom resp. pšez wózjawjenje na homepage Serbskego muzeja znate cynje.

§ 3 Zaměr

1. Serbski muzej ma w kraju Bramborska specifisku a centralnu funkciju pši zachowanju, spěchowanj a pósrědnjenju serbskich stawiznow kultury a wuměštwa w Dolnej Łužicy. Trajna wustajeńca pósrědnjo doglědy do połtera lěttysaca słowjańskich stawiznow na teritoriju žinsajšnje Nimskeje. Pšez swójo žěto wugbajo muzej njewuzbytny pšinosk k zdžaržanju a k zmócnjenju narodneje identity Serbow ako teke k zmócnjenju kulturneje wjelerakosći a k spěchowanj interkulturnego dialoga. Wužywanje serbskeje rěcy a nimskeje rěcy stawa se rownopšawnje.
2. Serbski muzej jo zjawna institucija, kótaraž sluży zaměroju njeformalnego kulturnego kubłanja. Wón zachowa, wótkšywa a prezentěrujo znankstwa swóich zběrkow zjawnosći. Zwopšawdnjenje wustawkowych zaměrow pšewježo se pšedewšym pšez:
 - zběranje historiski wuznamnych znankow a objektow,
 - wěcy wótpowědajuce zdžaržanje, woplěwanje a zachowanje wobstatka muzeja,
 - inwentarizaciju ako teke wědomnostnu dokumentaciju a katalogizaciju zběrki,
 - slěženje we wobłuku wobstatkoweje žěłabnosći ako teke wó serbskich stawiznach, kulturje a rěcy, wósebnje za pšigótowanje trajnych a wósebných wustajeńcow ako teke publikacijow,
 - prezentaciju trajneje wustajeńce wó serbskich kulturných stawiznach Dolneje Łužyce ako teke pšawidłowných wósebných wustajeńcow,

- muzejowe pedagogiske žěto, wósebnje ze žišími a młodostnymi, na pšíklad pšez wježenja, pšednoski a wósebnje pórucenja pósrědnjenja,
 - napšawy zjawneho žěta ako teke publikacisku žětabnosť,
 - impulse k dalejwuwijanju serbskego wuměłstwa a serbskeje kultury,
 - pšewježenje fachowych konferencow a diskusijnych forumow,
 - zgromadne žěto z muzejami a dalšnymi institucijami w tu- a wukraju, inkluziwnje k dispoziciji stajanje póžyconkow.
3. Serbski muzej ma bžezwuwžešnje a njepósrědnje za wšych wužytne zaměry w zmysle pódstawka „danki pónižujuce zaměry“ wótedankowego póřěda. K póžedanju spěchowáńskich srědkow w zwisku z wudopołnjenim nadawkow muzeja jo nawjedowańska kuratorka resp. nawjedujucy kurator ako teke wjednistwo Měšćańskich zběrkow Cottbus/Chóšebuz wopšawnjona resp. wopšawnjony. Póžedanja na spěchowanje póderbje docasne wótgłosowanje ze pšístušnym fachowym wobceřkom měšćańskego zastojnstwa.
 4. Serbski muzej jo ako žěl Měšćańskich zběrkow člonk w Nimskem zwězku muzejow a w Muzejowem zwězku kraja Bramborska. Wón se orientěrujo pó etiskich směrnicach Mjazynarodneje rady muzejow (ICOM), wósebnje pó „Kodeksu pówołańskeje etiki za muzeje“, wobzamknjony na XIV. generalnej konferency ICOM 1986 w Buenos Aires, w danej płašcejej wersiji.

§ 4 Powšykna wužytnosć

1. Serbski muzej statkujo njesebnje a njama w přědnem rěže swójske gósparařske zaměry.
2. Wudobytki ako teke howacne nabranki a srědky Serbskego muzeja směju se jano za wustawkam wótpowědujuce zaměry wužywaš.
3. Žedna wósoba abo město Cottbus/Chóšebuz njesmějo se pšez wudaša, kótarež su zaměroju Serbskego muzeja cuze abo pšez nadměrnje wusoke zarownanja lěbgožiš.

§ 5 Wopłaty

Za woglěd do Serbskego muzeja ako teke za wužywanje rumnosćow wót tšešich se pomina wopłatu. Drobnosći su řědowane w póstajenjach wopłatow.

§ 6 Nabyše płašiwosći

Toš te wustawki maju płašiwosć na 1.11.2025.

Cottbus/Chóšebuz, dnja 25.09.2025

Tobias Schick
wušy šolta města Cottbus/Chóšebuz